



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiae, Ab Anno Christi
MDCXXVIII.**

Brogberen, Johannes

Coloniae Agrippinae, 1657

Ordo Et Caerimoniae Synodi, Celebratae in absentia Illustrissimae &
Reverendissimae Suae Celsitudinis, VII Octobris, MDCLIII.

urn:nbn:de:hbz:466:1-14298

O R D O E T C Æ R I M O N I Æ
S Y N O D I,

Celebratæ in absentia

Illustrissimæ & Reverendissimæ Suae Celsitudinis,

VII Octobris, M D C LIII.



Ridie, & ante Synodum, omnia observata sunt, ut in Synodo Illustrissimæ Suae Celsitudinis vernali præcedente, celebratâ XVIII Martii labentis hujus anni; Deputari eodem modo excepti & deducti; D. Abbas Ibur-

gensis in Pontificalibus eadem exercuit; & sub solenni Sacro omnes, uno alterove excepto, publicè Sacram Communionem sumpserunt.

Post processionem ad locum consuetum, omnibus confidentibus, peractisque ceremoniis ex Pontificali, prælecta fuit Commissio Suae Celsitudinis, sequentis tenoris.

FRANCISCVS GVILIELMVS, Dei & Apostolicæ Sedis gratiâ Episcopus Onabrugenſis, &c. Venerabilibus, Nobilibus, atque Honorabili & Doctissimo, devotis, sincerè Nobis in Christo dilectis, & fideli, *Joanni à Leerardt, Joanni Ottoni à Dorgelo, & Joanni Bischoptock,* Cathedralis Nostræ Ecclesiæ Onabrugenſis respectivè Præposito, Subseniori, & Officiali Curiæ Nostræ Episcopalis ibidem, Salutem in Domino.

Venerabiles, Nobiles, Honorabilis & Doctissime, devoti, sincere Nobis in Christo dilecti, & fidelis. Cum per Nostræ gravissimæ sollicitudinis publicas occupationes, & Sacri Romani Imperii Comitata, quibus adhucdum intendere debemus, impediamur; quo minus futuræ Synodo, quæ in Civitate Nostra Onabrugenſi, Feriâ tertiâ post Remigii, quæ incidit in diem septimam mensis Octobris, ex laudabili Majorum Nostrorum & Prædecessorum Episcoporum Decretis celebrabitur, pro hac vice personaliter interesse & præsidere non possimus: Nos vobis, de quorum prudentia, zelo, pietate, & legalitate singularem & antehac probatam gerimus fiduciam, præsentium tenore conjunctim & divisim in Domino committimus, ut dictæ Synodo, nomine Nostro, præsideatis, & Synodales hæc Constitutiones, quas vobis transmittimus de novo inculcandas, aliæque necessaria promulgari curetis, ac ad earum tandem observantiam Clerum Diocesis Nostræ Onabrugenſis

admoneatis, &, quicquid in dictâ Synodo personaliter agere possemus, Nostro nomine peragatis; insuper etiam illius Synodi Acta, & præsentium ac absentium nomina, ad Nos in scripto referatis. Ut etiam faciliorem singuli Parochi, per Diocesin hanc Nostram, harum Constitutionum Nostrarum seriem commodius observare valeant, idcirco Officiali Nostro specialiter demandamus, ut omnibus ac singulis Decanis tam Cathedralis & Collegiatarum, quàm Ruralibus, & Monasteriorum Prælatiſ, copiam horum Decretorum Synodaliū, quoad typis edantur, committet; ut in proxima visitatione de eorundem observantia aut negligentia penitus constare possit, nec quispiam sese excusare valeat, quod sufficienter intimata aut publicata non sint. Hæc est seria voluntas Nostra, manu & sigillo Nostris roborata. Valet in Domino. Datum ex Residentia Nostra Episcopali, Ratisbonæ, die XXII Septembris, anno M D C LIII, Episcopatum Nostrorum, Onabrugenſis vigesimo octavo, Ratisbonensis quinto, Mindensis & Verdenſis vigesimo quarto.



Prælectâ hac Commissione, incepta est Synodus; nominati Promotores, Secretarius, & Actuarius, iidem qui antehac.

Exinde, Notarius Synodi prælegit catalogum omnium eorum qui de jure vel consuetudine huic Synodo interesse tenentur; non omissis iis qui ob alienam religionem modo non comparent; pro iisque responderunt illi Catholici vicini Pastores, quorum cura illius districtus Catholicorum anima, in defectum propriorum Parochorum, commissæ sunt; notatique absentes.

Absentium contumaciam accusavit Promotor more solito; sed suspensa multâ usque ad declarationem Suae Celsitudinis. Subsecuta fuit Concio Synodalis, quam Pastor in Baurbergen & Decanus Christianitatis in Ferstenauw, Pater Nicolaus Schaten Societatis Jesu, ex commissione, aptè & eleganter peroravit.

Post hanc Dominus Christianus Brockman, Pastor in Wahlenhorst, uti Secretarius, loco Domini Comadi Burenii Pastoris, prælegit Decreta, imprimis generalia, deinde specialia, ab Illustrissimæ

strissima Sua Celsitudine transmissa, (de quorum transmissione ipsamet Commissio mentionem fecit) paucis tamen Dominus Officialis Clerum de eorundem observantia praeemonuit, & de consensu D.D. Deputatorum, publicanda porrexerit.

Ad Decretum sextum generale de professione fidei, eam, simulque iuramentum Pastorale emisit Leopoldus Dunwaldt, noviter institutus Pastor in Gersmold. Iuramentum Pastorum, ad Sanctum Vitum & in Glaen constituendorum, reservatum fuit ad proximam Synodum, cum debite nondum praesentati, nec approbati fuerint. Declaratum praeterea, vacare Pastoratum Laicem in Embslandia per liberam resignationem Paris Gabrielis Mannicholt, Conventualis S. Francisci. Praeterea emisit iuramentum consuetum P. Arnoldus

Langenberg, Ordinis S. Benedicti, Pastor in Iburg, & Lector Philosophiae Monasterii Iburgensis, quam noviter à Sua Celsitudine constitutus Decanus Christianitatis illius districtus.

Ad Decretum octavum generale, facta fuit commemoratio animarum, quondam Hermannii Wilagens, Decani Collegiatae Ecclesiae S. Alexandri in Wildeshausen; Conradi Rastrups, quondam Vicarii Cathedralis Ecclesiae; item Davidis Bernings, Vicarii Collegiatae Ecclesiae S. Ioannis; hoc semestri pie defunctorum, commendata quoque fuit anima, non quidem naturaliter, sed civiliter defuncti, Hermannii Rosings, qui, in reprobum sensum datus, à fide & religione apostatavit; ut eam Deus ad gremium orthodoxae Ecclesiae reducere dignetur.

S E Q V V N T V R
D E C R E T A S Y N O D A L I A
S P E C I A L I A,

Ex mandato Reverendissimi & Illustrissimi Domini Episcopi Osnabrugensis, &c. Domini FRANCISCI GVILIELMI, die VII mensis Octobris, anno M D C LIII, Osnaburgi, in Synodo Autumnali, publicata.

I N G R E S S V S
D E C R E T O R V M.

QVandoquidem in nupera Visitatione, per Diocesim hanc Nostram Osnabrugensem, hoc anno quinquagesimo tertio, per Commissarios Nostro nomine facta, diversos adhucdum abusus ac defectus, nec non Statutorum Nostrorum Synodaliū praeviationes apud nonnullos, proh dolor, comperimus: hinc sequentia Decreta, ex sollicitudine Nostra Episcopali, denuo inculcanda duximus, & observanda, sub comminatione respectivè poenarum & Ecclesiasticarum censurarum, etiam in inobedientes ferendarum, seriò ac ultimò demandamus.

D E C R E T V M I.

Nillus Sacramentum Baptismi, extra casum necessitatis sine licentia, in privatis aedibus administret, Matrimonio assistat, aut in Capella seu loco consecrato, vel ab Episcopo non benedicto aut concessio, sine expressa Nostra, vel Vicarii Nostri in spiritualibus Generalis licentia, celebret.

D E C R E T V M II.

IN collatione Sacramenti Baptismi nemo plures quam duos Patrinus admittat; reliquos, uti testes, libro solummodo inscribat. Infantibus item nulla nomina, praeterquam Sanctorum, in Embslandia praesertim, imponantur.

D E C R E T V M III.

Subsellia, in templis noviter erigenda, ita exstruantur, ut in iis genu flecti possit; nec prospectum ad Altare summum impediunt, aut lateralibus nimis vicina sint.

D E C R E T V M IV.

Vbi redditus fabricae pro necessariis Ecclesiae sumptibus non sufficiunt, bono modo, & cum praescripto Magistratus aut Communitatis loci, parochiani ad succurrendum permoveantur: quod si restiterint, Nobis pro congruo remedio, deferantur.

D E C R E T V M V.

Festa & Abstinentiae per annum, tam in civitate quam ruri, accuratius juxta Calendaria